

JU NARODNO POZORIŠTE

S A R A J E V O

Broj:05-7458/24

Sarajevo,09.12.2024. godine.

Na osnovu člana 3., 6., 7., 8., 9., 11., 12., 13., 14.,16., 18. i 19. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj: 19/21, 10/22, 28/23 i 32/24), člana 17. i 18. Pravilnika o radu JU Narodno pozorište Sarajevo, (broj:05-2520/23 i broj:05-1970/24), člana 11., 12. i 15. Kolektivnog ugovora za djelatnost kulture u Kantonu Sarajevo, („Službene novine Kantona Sarajevo“, broj: 10/23 i 12/24), Odluke Vlade Kantona Sarajevo o davanju saglasnosti JU Narodno pozorište Sarajevo za popunu upražnjenog radnog mjesta na neodređeno vrijeme, broj:02-04-46354-15/24 od 10.10.2024. godine, Odluke Upravnog odbora o raspisivanju javnog oglasa za prijem u radni odnos na neodređeno vrijeme, broj:05-6538/24 od 25.10.2024. godine te Liste uspješnih kandidata broj:03-7418/24 od 06.12.2024. godine, direktor JU Narodno pozorište Sarajevo, donosi

O D L U K U

o prijemu u radni odnos na radno mjesto: dekorater - 1 izvršilac, na neodređeno vrijeme

1. Na upražnjeno radno mjesto: dekorater - 1 izvršilac, na neodređeno vrijeme za koje je objavljena obavijest o javnom oglasu dana 08.11.2024. godine u dnevnom listu „Oslobodjenje“ i integralni tekst javnog oglasa na web stranici JU Narodno pozorište, web stranici JU Služba za zapošljavanje Kantona Sarajevo, a na osnovu Odluke Upravnog odbora o raspisivanju javnog oglasa za prijem u radni odnos na neodređeno vrijeme, broj:05-6538/24 od 25.10.2024. godine, prima se u radni odnos Rizvo Nidal koja ispunjava sve uslove predviđene za to radno mjesto.
2. Imenovani iz tačke 1. Ove Odluke će zasnovati radni odnos u JU Narodno pozorište na neodređeno vrijeme po konačnosti ove Odluke.

O b r a z l o ž e n j e

Javna ustanova Narodno pozorište je na osnovu Odluke Vlade Kantona Sarajevo o davanju saglasnosti JU Narodno pozorište Sarajevo za popunu upražnjenog radnog mjesta na neodređeno vrijeme, broj:02-04-46354-15/24 od 10.10.2024. godine i Odluke Upravnog odbora o raspisivanju javnog oglasa za prijem u radni odnos na neodređeno vrijeme, broj: 05-6538/24 od 25.10.2024. godine objavila obavijest o javnom oglasu za radno mjesto:dekorater, dana 08.11.2024. godine u dnevnom listu „Oslobodjenje“ i integralni tekst javnog oglasa na web stranici JU Narodno pozorište, web stranici JU Služba za zapošljavanje Kantona Sarajevo.

Komisija za provođenje postupka prijema u radni odnos na neodređeno vrijeme za radno mjesto: dekorater -1 izvršilac, imenovana Odlukom direktora Pozorišta broj: 05-6607/24 od 31.10.2024. godine, sastala se na prvoj sjednici dana 04.11.2024. godine u 14:45 sati i jednoglasno usvojila Poslovnik o radu Komisije za prijem u radni odnos za radno mjesto: dekorater - 1 izvršilac na neodređeno vrijeme, te usvojila ispitna pitanja i listu literature. Članovi komisije i sekretar potpisali su izjave o povjerljivosti, nepristrasnosti i nepostojanju sukoba interesa.

Dana 26.11.2024. godine u 14:50 sati Komisija se sastala na drugoj sjednici za provođenje procedure prijema u radni odnos na upražnjeno radno mjesto: dekorater – 1 izvršilac, na neodređeno vrijeme, te razmotrila pristigle prijave na Javni oglas.

Na javni oglas za prijem u radni odnos na upražnjeno radno mjesto: dekorater - 1 izvršilac, na neodređeno vrijeme pristigle su dvije prijave kandidata: Rizvo Nidal prijava dostavljena lično na protokol dana 11.11.2024. godine, broj protokola:6821/24 i Haris Ćutahija prijava dostavljena lično na protokol 18.11.2024. godine, broj protokola:6975/24.

Komisija je nakon uvida u datum prijema i broj protokola pod kojim su zavedene pristigle prijave, konstatovala da su prijava kandidata blagovremena tj. podnesena u roku.

Komisija je otvorila pristigle prijave i utvrdila da kandidati: Rizvo Nidal ispunjava sve uslove tražene u javnom oglasu, te da je dostavljena dokumentacija potpuna i ispravna.

Kandidat Rizvo Nidal je dostavio i Uvjerenje Federalnog Ministarstva za pitanje boraca i invalida odbranbeno oslobodilačkog rata kojim dokazuje da je dijete pripadnika OS RBiH.

Kandidat Haris Ćutahija nije dostavio svu traženu dokumentaciju u javnom oglasu, kandidat nije dostavio dokaz o traženom radnom iskustvu na istim ili sličnim poslovima nakon sticanja diplome i neće se naći na listi kandidata među kojima se provodi izborni postupak.

Komisija je utvrdila spisak kandidata među kojima se provodi izborni postupak za radno mjesto: dekorater - 1 izvršilac, na neodređeno vrijeme broj:03-7255/24 od 27.11.2024. godine.

Dana 06.12.2024. godine u 10:00 sati Komisija se ponovno sastala i pristupila provođenju pismenog i usmenog ispita.

Pismenom i usmenom ispitu je pristupio jedan kandidat: Rizvo Nidal.

Kandidat **Rizvo Nidal** je na pismenom ispitu osvojio 50 bodova, a na usmenom ispitu 36,66 bodova, te je ostvario i dodatne bodove – olakšica 19,70 bodova. Ukupan broj bodova koje je kandidat ostvario je 106,36.

Na temelju provedenih pismenog i usmenog ispita, a u skladu sa poslovníkom o radu Komisije, te ostvarenim ukupnim bodovima kandidata, komisija je utvrdila Listu uspješnih kandidata za radno mjesto: dekorater - 1 izvršilac, na neodređeno vrijeme, broj:03-7418/24 od 06.12.2024. godine i istu dostavila direktoru Pozorišta uz dopis broj:03-7419/24 od 06.12.2024. godine i na osnovu navedenog odlučeno je kao u dispozitivu Odluke.

Pouka: Dozvoljen je prigovor Upravnom odboru Pozorišta u roku od 8 dana od dana dostavljanja obavijesti o donošenju odluke o prijemu u radni odnos.


DIREKTOR POZORIŠTA
Edin Mustafić

Prilog: Lista uspješnih kandidata

Dostaviti:

- Kandidat sa Liste uspješnih,
- Ministarstvo kulture i sporta KS,
- Web stranica Pozorišta,
- OJ Tehnika,
- EPS,
- a/a.